

26 մարտի 2020 թվականի N 398 - Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻ ՇԱՐՔ  
ՈՐՈՇՈՒՄՆԵՐՈՎ ՍԱՀՄԱՆՎԱԾ ՎԱՐԿԵՐԻ ԿԱՄ ԼԻՋԻՆԳԻ ՄԱՅՐ ԳՈՒՄԱՐԻ  
ԵՎ/ԿԱՄ ՏՈԿՈՍԱԴՐՈՒՅՔԻ ՄԱՐՄԱՆ ՀԱՄԱՐ ՍԱՀՄԱՆՎԱԾ ԱՐՏՈՆՅԱԼ  
ԺԱՄԿԵՏՆԵՐԸ ՓՈՓՈԽԵԼՈՒ ԵՎ ԳՅՈՒՂԱՏՆՏԵՍԱԿԱՆ ԿՈՈՊԵՐԱՏԻՎՆԵՐԻ  
ՎԱՐԿԱՎՈՐՄԱՆ ՊԱՅՄԱՆՆԵՐԸ ՀԱՍՏԱՏԵԼՈՒ ՄԱՍԻՆ

---

Հիմք ընդունելով Հայաստանի Հանրապետության կառավարության 2020 թվականի մարտի 16-ի «Հայաստանի Հանրապետությունում արտակարգ դրություն հայտարարելու մասին» N 298-Ն որոշումը՝ Հայաստանի Հանրապետության կառավարությունը **ո թ ո շ ու մ է.**

1. Գյուղատնտեսության ոլորտում վարկերի կամ լիզինգի տոկոսադրույքների սուբսիդավորմամբ իրականացվող Հայաստանի Հանրապետության կառավարության 2019 թվականի մարտի 7-ի «Գյուղատնտեսության ոլորտին տրամադրվող վարկերի տոկոսադրույքների սուբսիդավորման ծրագիրը հաստատելու մասին» N 184-Լ, Հայաստանի Հանրապետության կառավարության 2017 թվականի մարտի 16-ի «Հայաստանի Հանրապետությունում գյուղատնտեսական տեխնիկայի ֆինանսական վարձակալության՝ լիզինգի պետական աջակցության ծրագրին հավանություն տալու մասին» N 11 արձանագրային, Հայաստանի Հանրապետության կառավարության 2018 թվականի հուլիսի 19-ի «Հայաստանի Հանրապետությունում ագրոպարենային ոլորտի սարքավորումների

Ֆինանսական վարձակալության՝ լիզինգի պետական աջակցության ծրագիրը հաստատելու մասին» N 893-L, Հայաստանի Հանրապետության կառավարության 2019 թվականի մարտի 7-ի «Ոռոգման արդիական համակարգերի ներդրման համաֆինանսավորման ծրագիրը հաստատելու մասին» N 212-L, Հայաստանի Հանրապետության կառավարության 2019 թվականի մարտի 29-ի «Հայաստանի Հանրապետությունում խաղողի, ժամանակակից տեխնոլոգիաներով մշակվող ինտենսիվ պտղատու այգիների և հատապտղանոցների հիմնման համար պետական աջակցության ծրագիրը հաստատելու մասին» N 361-L, Հայաստանի Հանրապետության կառավարության 2019 թվականի ապրիլի 4-ի «Հայաստանի Հանրապետության գյուղատնտեսությունում կարկտապաշտպան ցանցերի ներդրման համար տրամադրվող վարկերի տոկոսավճարների սուբսիդավորման ծրագիրը հաստատելու մասին» N 362-L, Հայաստանի Հանրապետության կառավարության 2019 թվականի փետրվարի 28-ի «Գյուղատնտեսական հումքի մթերումների (գնումների) նպատակով ագրովերամշակման ոլորտին տրամադրվող վարկերի տոկոսադրույքների սուբսիդավորման ծրագիրը հաստատելու մասին» N 201-L, Հայաստանի Հանրապետության կառավարության 2019 թվականի մարտի 29-ի «Հայաստանի Հանրապետությունում 2019-2024 թվականների տավարաբուծության զարգացման ծրագիրը հաստատելու մասին» N 327-L, Հայաստանի Հանրապետության կառավարության 2019 թվականի սեպտեմբերի 19-ի «Հայաստանի Հանրապետությունում 2019-2023 թվականների ոչխարաբուծության և այծաբուծության զարգացմանը պետական աջակցության ծրագիրը հաստատելու մասին» N 1305-L որոշումներով հաստատված պետական աջակցության ծրագրերի վարկերի կամ լիզինգի մայր գումարի և/կամ տոկոսադրույքի մարման համար սահմանված արտոնյալ ժամկետները 2020 թվականին կարող են փոփոխվել՝ ծրագրին մասնակից ֆինանսական կառույցների և շահառուների փոխադարձ համաձայնությամբ:

2. Հաստատել սույն որոշման 1-ին կետում նշված գյուղատնտեսության ոլորտում վարկերի կամ լիզինգի տոկոսադրույքների սուբսիդավորմամբ իրականացվող պետական աջակցության ծրագրերի շրջանակներում սույն որոշումն ուժի մեջ մտնելու պահից մինչև 2020 թվականի դեկտեմբերի 31-ը գյուղատնտեսական կոոպերատիվներին տրամադրվող վարկի/լիզինգի սուբսիդավորման և համաֆինանսավորման հետևյալ չափաքանակները՝

	Վարկի նպատակը	Հիմնական պայմանները	Տոկոսադրույքը*	Համաֆինանսավորում/ Համապարտություն
1.	Գյուղատնտեսության ոլորտում գործունեության նպատակով տրամադրվող վարկ	<ul style="list-style-type: none"> <li>վարկի գումարը՝ 3-15 մլն դրամ,</li> <li>վարկի մարման ժամկետը՝ մինչև 5 տարի,</li> <li>վարկի մայր գումարի արտոնյալ ժամկետը՝ մինչև 12 ամիս</li> </ul>	0%	10%
2.	Ռոտզման արդիական համակարգերի ներդրման համար տրամադրվող վարկ	<ul style="list-style-type: none"> <li>վարկերի հանրագումարի մնացորդը՝ մինչև 150 մլն դրամ,</li> <li>վարկի մարման ժամկետը՝ մինչև 3 տարի,</li> <li>մայր գումարի արտոնյալ ժամկետը՝ տարեկան մինչև 6 ամիս</li> </ul>	0%	50%
3.	Խաղողի, ժամանակակից տեխնոլոգիաներով մշակվող ինտենսիվ պտղատու այգիների և հատապտղանոցների հիմնման համար տրամադրվող վարկ	<ul style="list-style-type: none"> <li>մակերեսը՝ 3-ից մինչև 100 հա,</li> <li>վարկի գումարը՝ մինչև 2.5 մլրդ դրամ,</li> <li>վարկի մարման ժամկետը՝ 8 տարի,</li> <li>մայր գումարի արտոնյալ ժամկետը՝ 5 տարի</li> </ul>	0%	50%
4.	Գյուղատնտեսությունում կարկտապաշտպան ցանցերի ներդրման համար տրամադրվող վարկ	<ul style="list-style-type: none"> <li>մակերեսը՝ 3-ից մինչև 10 հա,</li> <li>վարկի գումարը՝ մինչև 85 մլն դրամ,</li> <li>վարկի մարման ժամկետը՝ 7 տարի,</li> <li>մայր գումարի արտոնյալ ժամկետ՝ 1 տարի</li> </ul>	0%	50%

5.	Գյուղատնտեսական հումքի մթերումների (գնումների) նպատակով ագրովերամշակման ոլորտին տրամադրվող վարկ	<ul style="list-style-type: none"> <li>վարկերի մայր գումարի մնացորդը՝ մինչև 1.8 մլրդ դրամ,</li> <li>վարկի մարման ժամկետը՝ մինչև 1.5 տարի,</li> <li>մայր գումարի արտոնյալ ժամկետը՝ 2-3 ամիս</li> </ul>	0%	30%
6.	Տոհմային տավարաբուծության նպատակով տրամադրվող վարկ	<ul style="list-style-type: none"> <li>վարկերի հանրագումարի մնացորդը՝ մինչև 300 մլն դրամ,</li> <li>վարկի մարման ժամկետը՝ մինչև 5 տարի,</li> <li>մայր գումարի արտոնյալ ժամկետը՝ մինչև 1 տարի</li> </ul>	0%	70%
7.	Տոհմային ոչխարաբուծության և այծաբուծության նպատակով տրամադրվող վարկ	<ul style="list-style-type: none"> <li>վարկերի հանրագումարի մնացորդը՝ մինչև 900 մլն դրամ,</li> <li>վարկի մարման ժամկետը՝ մինչև 4 տարի,</li> <li>մայր գումարի արտոնյալ ժամկետը՝ մինչև 1 տարի</li> </ul>	0%	70%
8.	Գյուղատնտեսական տեխնիկայի լիզինգ	<ul style="list-style-type: none"> <li>20% կանխավճար,</li> <li>Լիզինգի առարկաների ընդհանուր գումարը՝ մինչև 200 մլն դրամ,</li> <li>մարման ժամկետը՝ 3- 10 տարի,</li> <li>մայր գումարի արտոնյալ ժամկետը՝ տարեկան մինչև 6 ամիս</li> </ul>	0%	10%
9.	Ագրոպարենային ոլորտի սարքավորումների (այդ թվում՝ ջերմատների, սառնարանային և գյուղատնտեսական նշանակության պահեստային տնտեսությունների, մոդուլային սպանդանոցների) լիզինգ	<ul style="list-style-type: none"> <li>20% կանխավճար,</li> <li>Լիզինգի առարկաների արժեքների հանրագումարը՝ մինչև 450 մլն դրամ,</li> <li>մարման ժամկետը՝ մինչև 8 տարի,</li> <li>մայր գումարի արտոնյալ ժամկետը՝ տարեկան մինչև 6 ամիս</li> </ul>	0%	10%:

3. Սույն որոշումն ուժի մեջ է մտնում հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

Ն. ՓԱՇԻՆՅԱՆ

2020 թ. մարտի 30  
Երևան